

Preces post Missam.

Ant. Trium puerorum * cantémus hymnum, quem cantábant sancti in camíno ignis, benedicéntes Dóminum.

Quæ *Ant.* in Festis duplicitibus tantum duplicatur: et temp. Pasch. additur in fine Alleluia.

Canticum trium Puerorum.

Dan. 3.

Benedicite ómnia ópera Dómini Dómino: laudáte et superexaltáte eum in sǽcula.

Benedicite Angeli Dómini Dómino: benedicite cœli Dómino.

Benedicite aquæ omnes, quæ super cœlos sunt, Dómino: benedicite omnes virtutes Dómini Dómino.

Benedicite sol et luna Dómino: benedicite stellæ cœli Dómino.

Benedicite omnis imber et ros Dómino: benedicite omnes spíritus Dei Dómino.

Benedicite ignis et æstus Dómino: benedicite frigus et æstus Dómino.

Benedicite rores et pruina Dómino: benedicite gelu et frigus Dómino.

Benedicite gláicies et nives Dómino: benedicite noctes et dies Dómino.

Benedicite lux et ténebrae Dómino: benedicite fúlgura et nubes Dómino.

Benedicat terra Dóminum: laudet, et superexállet eum in sǽcula.

Benedicite montes et colles Dómino: benedicite univérsa germinántia in terra Dómino.

Benedicite fontes Dómino: benedicite mária et flúminá Dómino.

Benedicite cete, et ómnia, quæ móventur in aquis, Dómino: benedicite omnes vólucres cœli Dómino.

Benedicite omnes bestiæ et pécora Dño: benedicite filii hóminum Dño.

Benedicat Israël Dóminum: laudet et superexállet eum in sǽcula.

Benedicite sacerdótes Dómini Dómino: benedicite servi Dómini Dómino.

Benedicite spíritus et ánime justorum Dómino: benedicite sancti et húmiles corde Dómino.

Benedicite Ananía, Azaría, Mísael Dómino: laudáte et superexaltáte eum in sǽcula.

Benedicámus Patrem et Filium cum Sancto Spíritu: laudémus et superexaltémus eum in sǽcula.

Benedictus es Dómine in firmamento cœli: et laudabilis, et gloriōsus, et superelexaltatus in sœcula.

Psalmus 150.

Laudáte Dóminum in sanctis ejus: Laudáte eum in firmamento virtutis ejus.

Laudáte eum in virtutibus ejus: laudáte eum secundum multitūdinem magnitudinis ejus.

Laudáte eum in sono tubæ: laudáte eum in psalterio et cithara.

Laudáte eum in tympano, et choro: laudáte eum in chordis et órgano.

Laudáte eum in cymbalis benesonantibus: laudáte eum in cymbalis jubilationis: omnis spíritus laudet Dóminum.

Glória Patri.

Ant. Trium puerorum cantemus hymnum, quem cantabant sancti in camino ignis, benedicentes Dóminum.

Kýrie éléison. Christe éléison. Kýrie éléison.

Pater noster.

V. Et ne nos indúcas in tentatiōnem. R. Sed libera nos a malo.

V. Confiteántur tibi Dómine ómnia ópera tua. R. Et sancti tui benedícant tibi.

V. Exsultábunt sancti in glória. R. Lætabúntur in cubilibus suis.

V. Non nobis Dómine, non nobis. R. Sed nómini tuo da glóriam.

V. Dómine exaudi oratiōnem meam. R. Et clamor meus ad te véniat.

V. Dóminus vobiscum. R. Et cum spíritu tuo.

Orémus.

Déus, qui tribus pueris mitigasti flamas ignium: concéde propitiū: ut nos fámulos tuos non exurá flamma vitiórum.

Actiōnes nostras, quæsumus Dómine, aspirando præveni, et adjuvando proséquere: ut cuncta nostra oratiō et operatiō a te semper incipiat, et per te cœpta finiātur.

Da nobis, quæsumus Dómine, vi-
tiórum nostrorum flamas extin-
guere: qui beato Lauréntio tribuisti
tormentórum suórum incéndia supe-
ráre. Per Christum Dóminum no-
strum. Amen.

** Oratio S. Thomæ Aquinatis ad Patrem
æternum.

Grátiás tibi ago Dómine sancte,
G Pater omnípotens, æterne Deus,

qui me peccatórem indígnum fámulum tuum, nullis meis méritis, sed sola dignatióne misericórdia tuae satiáre dignátus es pretiósso Córpo et Sanguine Filii tui Dómini nostri Iesu Christi; et precor, ut hec sancta com-múnio non sit mihi reá tus ad pœnam, sed intercéssio salutáris ad véniam. Sit mihi armatúra fidei, et scutum bonæ voluntátis. Sit vitiórum meórum evacuátio, concupiscéntiae et libidinis exterminátio, caritatis et pa-tiéntiae, humilitatis et obediéntiae, omniúmque virtútum augmentátio: contra insídias inimicórum ómnium, tam visibilium, quam invisibilium, firma defénsio: mótu mearum, tam carnálium, quam spirituálium, perfécta quietátio: in te uno ac vero Deo firma adhæsio: atque finis mei felix consummátio. Et precor te, ut ad illud ineffábile convívium me pec-catórem perdúcere dignérис, ubi tu cum Filio tuo, et Spíritu Sancto, Sanctis tuis es lux vera, satisetas plena, gaúdium sempítérnum, jucún-ditas consummáta, et felicitas perfécta. Per eúndem Christum Dómum nostrum. Amen.

^{**} Oratio S. Bonaventuræ ad Jesum Christum.

Transfíge, dulcissime Dómine Jesu, medúllas et viscera ánimæ meæ suavíssimo ac saluberrimo amoris tui vñlnero, vera serenáque, et apostólica sanctissima caritaté, ut lán-gueat et liquefiat ánima mea solo semper amore et desidério tui, te concupiscat, et deficiat in átria tua, cúpiat dissólvi, et esse tecum. Da, ut ánima mea te esúriat, panem Angelórum, refectiōnem animárum sanctárum, panem nostrum quotidiánum, supersubstantiálem, habéntem omnem dulcédinem, et sapórem, et omne delectaméntum suavitatis: te, in quem desiderant Angeli prospicere, semper esúriat et cómedat cor meum, et dulcidine sapóris tui repleántur viscera ánimæ meæ: te semper sítiat fontem vitæ, fontem sapiéntiae et sciéntiae, fontem ætérii lúminis, torréntem voluptatis, ubertatē domus Dei: te semper ámbiat, te quærat, te invéniat, ad te tendat, ad te pervéniat, te meditétur, te loquáatur, et ómnia operétur in laudem et gloriā nōmínis tui, cum humilitate et discretiōne, cum dilectione et delectatiōne, cum

facilitate et afféctu, cum perseverán-
tia usque in finem: et tu sis solus
semper spes mea, tota fidúcia mea,
divítiae meæ, delectatio mea, jucún-
ditas mea, gaúdium meum, quies et
tranquillitas mea, pax mea, suávitatis
mea, odor meus, dulcédo mea, cibus
meus, reféctio mea, refúgium meum,
auxílium meum, sapiéntia mea, pór-
tio mea, posséssio mea, thesáurus
meus, in quo fixa, et firma, et im-
móbiliter semper sit radicata mens
mea, et cor meum. Amen.

Anima Christi.

A nima Christi, sanctifica me. Corpus
Christi, salva me. Sanguis Christi,
inébria me. Aqua láteris Christi,
lava me. Pássio Christi, confórtta
me. O bone Jesu, exaudi me. Intra
tua vúlnera absconde me. Ne per-
mittas me separari a te. Ab hoste
malígnῳ defénde me. In hora mortis
meae voca me. Et jube me véniere
ad te, ut cum sanctis tuis laudem te
in sǽcula sǽculorum. Amen.

Oratio ad Jesum.

O bsecro te dulcissime Dómine Jesu
Christe, ut pássio tua sit mihi

virtus, qua muniar, prótegar atque
deféndar; vúlnera tua sint mihi cibus
potúsque quibus pascar, inébrier at-
que delécter; aspérsio Sanguinis tui
sit mihi ablúcio ómnium delictórum
meórum; mors tua sit mihi glória
sempiterna. In his sit mihi reféctio,
exsultatio, sánitas et dulcédo cordis
mei. Qui vivis et regnas in sǽcula
sǽculorum. Amen.

**** Orationes**

S. Alfonsi Mariæ de Ligorio Episcopi
singulis hebdomadæ diebus distributæ.

Die Dominica.

A mantíssime Jesu, Redémptor, et
Deus, adóro te præséntem in pé-
ctore meo sub speciébus panis et
vini, quibus factus es cibus et potus
ánimæ meæ. Sit infinite benedictus
advéntus tuus ad ániam meam,
Deus meus, et pro tanto beneficio
tibi ex íntimo corde grátias ago, et
dóleo eo quod digne tibi grates re-
péndere non valéo. Et quasnam di-
gnas gratiarum actiones habére pos-
set húmilius villicus, si rústica in domo
sua ab ipso suo rege se visitátum
vidéret, nisi ad illius pedes procúm-
bere, et tacito admirári et laudáre

tantam dignatiōnēm? Prócido ergo coram te, o Rex divinē, o Jesu dulcissime, teque adóro ex abýssō vilitatis meae. Conjúngo adoratiōnēm meam adoratiōni, quam tibi prāestitit beatissima Virgo María, quando in úterum suum sacrosánctum te recépit, et quo ipsa te amávit amóre, eódem te prósequi vellem. O Redémptor amabilis, tu hódie verbis meis obediens, de cœlo in manus meas descendisti: et ego? eheu! quóties præceptis tuis inobediens, te, ingrátio ánimo, sprevi, et grátiā et amórem tuum rejeci! O bone Jesu, méorum véniam delictórum jam te mihi tribuisse confido; quod si culpa mea nondum mihi pepercisti, modo, quæso, ignóscē mihi, o Bónitas infinita, nam te offendisse toto corde me pœnitet. Utinam, o Jesu, te semper amavissem! A die saltem quo pri-mam missam celebrávi, únice pro te amóre flagráre debuisssem. Tu ex millibus me in sacerdótem et amícum tuum elegisti, quid ultra fácerē debuistī, ut a me diligeréris? Sed grátiás ago tibi quia tempus mihi præstas agéndi, quod fácerē omisi. Ex toto corde meo te amáre volo.

Nullum afféctum in corde meo admittere volo nisi pro te, qui me tantis beneficiis ad te redamándum obstrinxisti. Deus meus et ómnia. O Deus meus, quid mihi divitiæ! quid honóres! quid mundi voluptátes! tu ómnia mihi es. Tu solus eris déinceps únicum bonum, únicus amor meus. Dicam tibi cum sancto Paulino: Sibi hábeant divitias suas divites, regna sua reges; mihi Christus glória et regnum est. Fruántur re-ges, ac divites terræ, regnis suis, suisque divitiis, tu, o bone Jesu, divitiæ meæ et regnum meum mihi solus eris. O Pater aëterne, per amórem hujus Filii tui, quem hódie tibi obtuli, et in cor meum recépi, da quæso, mihi sanctam perseverántiam in grátiā tua, et donum tui sancti amoris. Tibi étiam comméndo propinquos meos, amicos et inimicos; ánimas item purgatórii, omnésque peccatores. — O Mater mea, María sanctissima, impetra mihi sanctam perseverántiam et Jesu Christi amorem.

Feria Secunda.

O Bónitas infinita! O cáritas in-finita! Deus mihi se totum dedit,

factus est totus meus! Anima mea, collige omnes afféctus tuos, teque intime conjúnge Dómino tuo, qui dédita ópera ad te venit, ut conjungátur tibi et redamétur a te.

O Redémptor amábilis, ampléctor te, amor et vita mea, me tibi conjúgo, noli me despícere. Hei mihi! tempus erat vitæ meæ, quo te rejéci ex ánima mea, et me separávi a te; sed in pósterum vitam meam millies pónere pótius volo, quam iterum amittere te, sumnum Bonum meum. Obliviscere, Dómine, ómnium injuriárum, quibus te afféci, et mihi misserátus ignósce; toto corde me illárum pénitet, et præ dolore mori vellem. Quamvis autem in te pecáverim, mihi præcipis, ut amem te: Diliges Dóminum Deum tuum, ex toto corde tuo. Oh, Dómine mi, quis ego sum ut a me diligí cùpias? Quóniam hoc desíderas, amóre te prósequi volo. Tu pro me mortem subíre voluísti, et carnes tuas in cibum mihi dedisti, ego ómnia relínquo, ómnibus valedico, et te solum, amantissime Salvátor, ampléctor. Quis me separábit a carítate Christi? O Redémptor amábilis, et quem álium diligere

volo, nisi te, qui es infinita bónitas, et infinito amóre dignus? Quid mihi est in cœlo? et a te quid volui super terram? Deus cordis méi, et pars mea Deus in ætérnum. Profécto quidem, Deus meus, et ubinam sive in cœlo, sive in terra bonum te majus invenire possum, vel qui magis quam tu me diléxerit? Advéniat regnum tuum. Oh! bone Iesu, sume, precor, hoc mane totius cordis mei dominiúm, illud ego tibi totum præbeo. Tu illud semper ac totum posside, et omnes afféctus, qui non sunt ad te, ab eo repélle. Te solum in partem meam, et in meas divitias éligo: Deus cordis mei, et pars mea, Deus, in ætérnum. Da, ut semper illud sancti Ignáttii a Loyóla in ore hábeam, et petam: Amórem tui solum cum grátiá tua mihi dones, et dives suim satis. Da mihi amórem et grátiá tuam, fac vidélicet ut amem te, et amer a te, et dives sum satis, nec amplius ultra desídero, nec áliud quero. Verúntamen tu scis infirmitatem meam, et quam sæpe tibi infidélis extiterim; áduva ergo me grátiá tua, nec umquam permittas me separári ab amóre tuo sancto.

Ne permittas me separari a te. Hoc nunc tibi dico, sempérque dicere volo, et id ipsum, tribue, ut repétere tibi semper queam: Ne permittas, ne permittas me separari a te.

O Virgo sanctissima, spes mea, Maria, impetra mihi a Deo hanc dūplicem grātiām: sanctam perseverātiām et sanctum amōrem; nihil amplius a te peto.

Feria Tertia.

Ah! Dómine mi, quómodo pótui te a multoties offendere, sciens quod peccando tibi summe displicébam? Per mérita, quæso, passiónis tuæ ignósce mihi, et vínculo amoris tui me tibi obstrínge, non te séparet a me fector culpárum meárum. Fac ut magis ac magis tuam bonitatem et amorem, qui tibi debétur, et caritatēm, qua me dilexisti, semper agnoscam.

Cúpio, bone Jesu, me totum prote devovére, qui temetípsum pro me in sacrificium offérre voluisti. Tu innúmeris caritatis arguméntis me tibi obstrinxisti; ne, quæso, permittas me umquam separari a te. Amo te, Deus meus, teque semper diligere

volo. Et quómodo a te disjunctus, et sine grātia tua vivere pótero, cum amorem tuum cognoverim? — Grātias ago tibi quia me pertulisti quando sine grātia tua vivébam, et quia tempus adhuc mihi præstas amāndi te. Si tunc mihi supervenisset intéritus, te amplius amare non possem. Quóniam vero adhuc te diligere possum, ómnibus virib⁹ te amare volo, dulcissime Jesu, tibique in ómnibus placere perópto. Diligo te, o Bónitas infinita, amo te plus quam me; et quia amo te, dono tibi corpus meum, animam meam, ac totam voluntatēm meam. Fac Dómine, et dispónē de me juxta beneplácitum tuum, in ómnibus me tibi subjicio. Dúmmodo mihi concédas ut semper diligam te, nihil aliud posco. Terréna bona da volentibus illa; non aliud ego desidero, nihilque peto, nisi perseverantiam in grātia tua, et sanctum amorem tuum.

Inníxus ego, o Pater æterne, Filii tui promissis: Amen, amen dico vobis, si quid petieritis Patrem in nōmine meo, dabit vobis (Joañ. XVI, 23), in nōmine Jesu Christi peto a te sanctam perseverantiam, et grātiam

amándi te ex toto corde meo, perfécte faciendo deinceps voluntátem tuam. O Jesu, tu pro me víctima factus es, et mihi te ipsum dedisti, ut tradam tibi meíspsum, tibique ímmolem voluntátem meam; inquis enim: Præbe, fili mi, cor tuum mihi (Prov. XXIII, 26). Ecce cor meum, Dómine, ecce cor meum, et ánimam meam, quam tibi dono, et omnino pro te devódeo. Verum tu scis Dómine infirmitátem meam: succúrre mihi; ne permittas me hanc voluntátem meam a te retráhere ad peccádum in te. Mínime: noli hoc permíttere; da ut semper diligam te, fac ut amem te quantum Sacérdos te diligere debet; et quemámodum Filius tuus in cruce móriens dícere pótuit: Consummátum est, ita in morte mea dicere váleam, quod ex hac die mandata tua custodívi. Præsta, ut in ómnibus tentatióibus, et periculis in te peccándi semper ad te recúrram, et auxilium tuum per mérita Iesu Christi imploráre non omittam.

O María sanctissima, quæ ómnia potes apud Deum, ímpetra mihi hanc grátiam, ut in tentatióibus semper ad Deum, et ad te confúgiam.

Feria Quarta.

O mi Jesu, vídeo quanta operátus et passus es, ut mihi necessitátem impóneres amándi te, et ego tam ingrátum me tibi probávi? Quóties pro vili delectatióne et desidério nequam, tuam grátiam commutávi, et amisé te, o Deus ánimæ meæ! Creaturárum beneficia grata memória sum prosequéutus, tibi soli me ingrátum præbui. Ignósce mihi, Deus meus: dóleo ejusmodi ingrati ánnimi crimen, et toto corde me pœnitit, et véniā a te spero cum sis infinita bónitas. Si tu bónitas infinita non esses, mihi desperándum foret, nec amplius misericórdiam tuam imploráre audérem.

Tibi sint grates, amor meus, quia ad inférnum, quem promerui, non me damnásti, et tanto tempore me sustinuísti. Sola quidem patiéntia tua in me, Deus meus, ad amándum te tráhere me déberet. Quis umquam me toleráre potuisset, nisi tu, qui es infinitæ misericordiæ Deus? Jám diu est, ex quo invitás me ad amándum te; nolo amplius resistere amóri tuo; ecce me tibi totum dedo. Súfficit quantum in te peccávi, nunc te dili-

gere volo. Amo te, o sumnum Bonum meum; diligo te, o Bónitas infinita, amo te, Deus meus, qui es infinito amore dignus, et semper repeterem volo in tempore et in æternitate; amo te, amo te. — O Deus, et quot annos amisi, in quibus te diligere et in amore tuo prógredi potuisse, et eos insúmpsi ad peccandum in te! At sanguis tuus, o Jesu, spes mea est. Numquam, spero, te amare cessabo. Ignoro quantum mihi vivendum superest; résiduum tamen vitæ meæ sive breve sive longum sit, illud tibi totum consecro. Ad hunc finem háctenus exspectasti me. Volo quippe tibi complacere, volo te, amantissime Dómine, semper amare, te que solum diligere volo. Quid mihi deliciae! Quid divitiae! Quid honores! Tu solus, Deus meus, tu solus, solus es, et semper eris amor meus, et ómnia. Sed nihil possum, nisi tu adjuves me gráitia tua. Vúlnera quæso cor meum, inflamma illud sancto amore tuo, tibique totum conjunge, et ita conjunge, ut a te numquam separari possit. Tu amare promisisti qui te dilit: Ego diligentes me diligo. (Prov. VIII, 17.) Nunc amo te:

parce audaciæ meæ, ama tu étiam me, et ne permittas me quidquam facere, quod impédiat quóminus diligas me: Qui non diligit manet in morte. (I. Joann. III, 14.) Líbera me ab ista morte, qua impédiar quóminus amem te. Fac ut semper diligam te, ut semper tu queas amare me; et sic diléctio nostra æterna sit, nec inter me et te amplius dissolváatur. Hoc præsta, Pater æterne, per amorem Jesu Christi. Hoc ipsum concéde, jucundissime Jesu, ob mérita tua, per quæ spero fore, ut te semper diligam et vicissim a te semper diligar.

O María, Mater Dei, et mater mea, tu étiam deprecáre Jesum pro me.

Feria Quinta.

O Deus infinitæ majestatis, en pro ditórem ad pedes tuos, qui tam gráviter in te deliquit! Tu multoties pepercisti peccatis meis, et ego, spreptis benefciis et præsidii, quibus me donásti, iterum te injúriis affeci. Céteri peccavérunt in ténebris, ego autem in luce. Sed audi vocem hujus filii tui, quem modo tibi obtuli, et qui nunc est in péctore meo, ipse pro me misericordiam et véniam apud

te implórat. Parce mihi, o Bónitas infinita, per amórem Jesu Christi, quia te offendisse toto corde me pénitet.

Scio te libénter, Jesu Christi amóre, peccatóribus fieri placábilem: Complácuit per eum reconciliare ómnia in ipsum. (Coloss. I, 19-20.) Per amórem igitur Jesu Christi, placáre tu étiam mihi. Ne projicias me a fácie tua quamvis id méreas; parce mihi, et muta cor meum. Cor mundum crea in me Deus. Hoc age ob honórem saltem tuum, quóniam elegísti me in sacerdótem et minístrum ad offeréndum tibi ipsum Fílium tuum. Fac me vivere sicut decet sacerdótem. Da cor mihi, quo te sacerdos amáre debet. Exstíngue, precor, et déstrue in me tui amóris igne omnes terrénos afféctus. Fac ut gratum deinceps me tibi probem pro tantis beneficiis mihi collátis, et pro tanto amóre, quo amásti me. Si olim amicitiam tuam sprevi, nunc eam magis áestimo quam cuncta mundi regna, et beneplácitum tuum ómnibus divitiis ac cœli terræque antepóno. — O Pa-
ter mi, per Jesu Christi amórem ábs-
trahe me ab ómnibus rebus. Tu vis
ut sacerdótes tui ab ómnibus, quæ

in mundo sunt, omnino segregáti sint, ac tibi soli, et opéribus glóriæ tuæ vivant: Segregáte mihi Saulum et Bárnam in opus, ad quod assúm-
psi eos. (Act. XIII, 2.) Scio quod étiam id a mé requíris, et hoc fáceré propóno, sed tu áduva me grácia tua. Trahe me totum ad te. In la-
bóribus et in adverísis mihi patiéntiam et voluntatís conformatiōnem tribue. Da ut per amórem tuum me-
ipsum mortificem. Concéde mihi spí-
ritum veræ humilitatis, quo gaúdeam
me abjectum et imperfécum reputári. Doce me fáceré voluntatē tuam,
et tum quod a me requíris índica
mihi, id enim exsequi volo. Récipe
Deus meus ad amandum te peccató-
rem, qui háctenus nímium in te pec-
cavit, sed nunc vere te diligere vult,
et esse tuus. O Deus aëterne, spero
fore ut te amem in aëternum. Et
ideo volo étiam in hac vita te mul-
tum amáre, ut multum te amáre vá-
leam in aëternitatē. Et quia amo te,
ab ómnibus te cognosci et amári de-
sidero; et ideo Dómine, quóniam fe-
cisti me sacerdótem tuum, fac ut pro
te laborem, et saluti animarum in-
cúmbam. Hæc ómnia spero per mé,

rita, o Christe Jesu, et per tuam intercessionem, o mater mea María.

Feria Sexta.

O Jesu! et quómodo potuisti me ex millibus in sacerdótem tuum elígere? Me, qui tóties tibi terga verti, et pro nihilo grátiam tuam sprevi? Amantíssime Dómine mi, dóleo ex tota ánima mea de peccátis meis. Dícito mihi, remísti ne peccáta mea? Spero quidem. Fuísti quippe Redémptor meus non semel tantum, sed quóties mihi pepercísti. Ah, Salvátor mi, útinam numquam te offendísem! Fac, óbsecro, me audire quod Magdalénæ dixisti: Remittúntur tibi peccáta tua. Fac ut séntiam me in grátiam tuam jam esse réceptum do-nans mihi magnum dolórem de peccátis meis. — In manus tuas comméndo spíritum meum; redemísti me Dómine Deus veritáris. Oh! divinís-sime Pastor, tu de cœlo descendísti ad inveniéndum me, pérditam ovem, et pro me quotidie super altáre de-scéndis; posuisti vitam tuam ut sal-vum me fáceres: ne derelinquas me. In manus tuas comméndo ániam meam, súscipe cleménter eam, et ne permíttas umquam separári a te. —

Tu pro me totum Sánguinem tuum fudisti; Te ergo quássumus, tuis fámulis súbveni, quos pretiósó Sánguine redemísti. Nunc es advocátus meus, non vero judex; véniam pro me apud Patrem tuum ímpetra; óbtine mihi lumen et virtútem amándi te ex tota ánima mea. Da résiduum vitæ meæ sic transigere ut, quum te júdicem aspéxero, mihi te placátum vídeam.

Regna, quæso, amóre tuo in corde meo, fac ut sim totus tuus; et ídeo, Salvátor amábilis, mémorem me fac semper amóris, quo me dilexísti, et quanta operátus et passus es, ut me salváres, et amarérис a me. Ad hoc me sacerdótem fecisti, ut nihil dili-gam præter te. — Jesu mi, volo quippe tibi complacére; ego diligo te, et nihil áliud diligere volo præter te. — Fac me húmilem et patiéntem in labóribus hujus vitæ, mansuétum in humiliatióibus, a terrénis deliciis abhorrétem, et a creatúris abstráctum, et præsta ut a corde meo ejiciam omnes afféctus, qui non sunt ad te. Hæc ómnia a te implóro, et spero per mérita passiónis tuæ. O Jesu jucundíssime, amábilis Jesu, o bone Jesu exaúdi me.

O mater mea, et spes mea, María,
tu quoque exaudi me, et ora Jesum
pro me.

Sabbato.

Lóquere, Dómine, quia audit servus
tuus. (L. Reg. III, 10.)

O Jesu amantissime, tu venisti
étiam hoc mane ad visitandam
ánimam meam, ex íntimo corde tibi
grátias ago. Quóniam venisti ad me,
lóquere, quæso, et dícito mihi quid
velis a me quia ómnia fádere volo.
Non méreo quod ultra mihi loquáris,
eo quod vocem tuam audire persépe
recusávi, qua me vocábas ad amó-
rem tuum, et ingrátus tibi terga verti.
Verum de peccátis meis jam pœni-
tentiā egi, nunc iterum me illórum
pœnitit, et véniam a te jam obtinuisse
confido. Dic ergo mihi quid me vis
fádere, sum enim parátus ad ómnia.
— Utinam, Deus meus, te semper
amássem. Hei mihi! quot annos
amísi! At Sanguis tuus, et promis-
siones tuæ spem mihi áfferunt repa-
rándi tempus amíssum, te solum de-
inceps amando, tibiique placéndo.
— Amo te Redémptor meus, amo te
Deus meus, ad nihil aspíro nisi ad

amándum te ex toto corde meo, et
ad vitam ipsam ponéndam pro amore
tui, qui amore mei mortem subire
voluisti. Amore amoris tui, dicam
tibi cum sancto Francisco, móriar,
qui amore amoris mei dignátus es
mori. Tu Jesu mihi totum te ipsum
dedísti; dedísti tuum Sanguinem, vi-
tam, omnes sudóres tuos, ómnia mé-
rita tua; plus dare non habuisti: ego
me totum tibi dono; dono tibi omnes
delectatiōnes meas, omnes séculi deli-
cias, corpus meum, ániam, volun-
tatem; plus tibi dare non hábeo; si
plus habérem, plus tibi darem. Ju-
cundissime Jesu, tu mihi sufficis.
— Fac tamen Dómine, ut sim tibi fidé-
lis; ne permittas me, mutata volun-
tate, derelinquere te. Spero per mé-
rita passiónis tuæ, Salvátor mi, id
mihi numquam obventúrum. Tu di-
xisti: Nullus sperávit in Dómino, et
confusus est. (Eccli. II. 11.) Tota igitur
fidúcia dicere possum et ego: In
te Dómine sperávi, non confundar in
æténum. Spero, o Deus ániam
meam, et semper volo sperare, num-
quam confusiónem passúrum vidéndi
me separátum a te. In te Dómine
sperávi, non confundar in æténum.

(Ps. 30. 2.) — Deus meus, tu omnípotens es, effíce me sanctum. Fac ut multum diligam te, fac ut nihil prætermittam, quod redündet in glóriam tuam, et ómnia vincam ut tibi compláceam. O me beatum, si ómnia perdam, ut solum te, et amórem tuum invéniam! Ad hunc finem vitam tribuísti mihi, fac ut eam opéribus glóriæ tuæ omnínō impéndam. Non méreor beneficia, sed pœnas; ideo déprecor te, ut púnias me sicut vis, dummodo grátiam tuam non aúferas a me. Sine mensúra amásti me, o carítas infinita, o infinita bónitas, sic amo et amábo te. O volúntas Dei! tu es amor meus. O Jesu mi! tu mórtuus es pro me, útinam ego étiam mori possem pro te, et morte mea efficerre ut omnes ament te. O bónitas infinita, et infinite amabilis! ego te máximi fácio, et super ómnia diligo te.

O María! trahe me ad Deum; da mihi fidúciā in te, et fac ut sémpre ad te confúgiā; intercessióne tua sanctum me réddere debes: ita spero.

Indulgentia 100 dierum pro unaquaque ex præcedentibus S. Alfonsi Orationibus si stata die recitetur.

(S. C. Indulg. die 20. Dec. 1884.)


Oblatio sui.

Indulg. 300 dierum semel in die. (26. Maij 1883.)

Súscipe Dómine univérsam meam libertátem. Accipe memóriam, intellectum, atque voluntátem omnem. Quidquid hábeo, vel possideo, mihi largitus es: id tibi totum restituo, ac tuæ prorsus voluntáti trado gubernandum. Amórem tui solum cum grátia tua mihi dones, et dives sum satis, nec áliud quidquam ultra posco.

Oratio
dicenda ante imaginem Ss. Crucifixi.

Indulgentia plenaria, quin necesse sit Ecclesiam visitare, dummodo oretur per aliquod temporis spatiū ad mentem Summi Pontificis. (Confirm. 31. Juli 1858.)



En ego, o bone et dulcissime Jesu, ante conspectum tuum géniibus me provólvo, ac máximo ánimi ardóre te oro atque obtéstor, ut meum in cor vívidos fidei, spiei et caritatis sensus, atque veram peccatórum meórum pœniténtiam, éaque emendándi firmissimam voluntátem velis imprímere: dum magno ánimi afféctu

et dolore tua quinque vulnera mecum
ipse considero, ac mente contemplor,
illud praे oculis habens, quod jam in
ore ponébat tuo David Prophéta de te,
o bone Jesu: Fodérunt manus meas et
pedes meos: Dinumeráverunt ómnia
ossa mea. (Ps. xxi, 17 et 18.)

****Rhythmus S. Thomæ Aquinatis ad
Sacram Eucharistiam.**

Indulgencia 100 dierum. (20. Dec. 1884.)

Adóro te devóte, latens Déitas,
Quæ sub his figúris vere látitas:
Tibi se cor meum totum subjicit,
Quia te contémplans, totum déficit.

Visus, tactus, gustus in te fallitur,
Sed auditu solo tuto créditur:
Credo quidquid dixit Dei Filius:
Nil hoc verbo veritatis vérius.

In cruce latébat sola Déitas;
At hic latet simul et humánitas:
Ambo tamen credens, atque cónfiteens,
Peto quod petivit latro pénitens.

Plagas, sicut Thomas, non intúeoir,
Deum tamen meum te confiteor:
Fac me tibi semper magis crédere,
In te spem habére, te diligere.

O memoriále mortis Dómini,
Panis vivus, vitam præstans hómini:

Præsta meæ menti de te vívere,
Et te illi semper dulce sápere.

Pie pellicáne Jesu Dómine,
Me immundum munda tuo sanguine:
Cujus una stilla salvum fáceré
Totum mundum quit ab omni scélere.

Jesu, quem velátum nunc aspicio,
Oro, fiat illud, quod tam sitio:
Ut te reveláta cernens fácie,
Visu sim báatus tuæ gloriæ. Amen.

****Oratio ad B. V. Mariam.**

Indulgencia 100 dierum. (20. Dec. 1884.)

OMARIA, Virgo et Mater sanctissima, ecce suscépi dilectissimum Filium tuum, quem immaculátó útero tuo concepísti, genuísti, lactásti, atque suavíssimis ampléxibus strinxísti. Ecce, cujus aspéctu lètabáris, et ómnibus delíciiis replebáris, illum ipsum tibi humiliér et amánter repræsénto, et óffero tuis bráchiis constringéndum, tuo corde amándum, sanctissimáque Trinitati in suprénum latræ cultum, pro tui ipsius honore et glória, et pro meis, totiusque mundi necessitatibus offeréndum. Rogo ergo te piissima Mater, impestra mihi véniam ómnium peccatórum

007491

meórum, ubérémque grátiam ipsi
déniceps fidélis serviéndi, ac déni-
que grátiam finálem, ut eum tecum
laudáre possim per ómnia sácula
sæculórum. Amen.

Oratio ad S. Joseph.

Indulg. 100 dierum. (Pius IX. 4. Febr. 1877.)

Vírginum Custos, et Pater, sancte
Joseph, cuius fidéli custódiae ipsa
Innocéntia Christus Jesus et Virgo
Vírginum María commísса fuit: Te
per hoc utrúmque caríssimum pignus
Jesum et Mariam óbsecro et obtéstor,
ut me ab omni immunditia præser-
várum, mente incontamináta, puro
corde, et casto cónpore Jesu et Ma-
riæ semper fácias castíssime famu-
lári. Amen.

Oratio ad Sanctos.

O beáti Spiritus Angélici, qui huic
treméndo Mystério cum summa
reveréntia, et amóre semper adstátis,
et vos, o Sancti Dei omnes, ecce Dó-
minus vestrum, quem vos in hoc
mundo toto corde dilexístis, quem-
que vos, o Angeli Sancti, in terra
natum adorástis, eúmdem ego in
Ss. Sacraménto a me suscéptum vo-
bis ómnibus, et singulis óffero amán-

dum, necnon ad majórem Dei glóriam,
et in augmémentum vestri gaúdii, et
Sanctíssimæ Trinitati præsentándum,
et pro meis totiúsque Ecclésiæ ne-
cessitatibus offeréndum exhibeo: ro-
gans, ut précibus vestris, véniam no-
bis delictórum nostrórum impetrétis,
robur in tentatióibus, in afflictióni-
bus subsídium, in vita nostra grátiam,
ac sanctam in morte perseverántiam,
ut fine bono consummáti Deum deó-
rum videámus, laudémus et amémus
vobíscum, per ómnia sácula sæculó-
rum. Amen.

Invocationes et Petitiones.

Indulgéntia 300 dierum semel in die,
orando etiam per aliquod temporis spatiū
juxta mentem summi Pontificis; et plenaria
semel in mense, in uno ex ultimis tribus
mensis diebus. (3. Mart. 1827.)

O Pater, o Fili, o Sancte Spíritus!
O sanctissima Trinitas! O Jesu!
O María! Angeli benedicti, Sancti,
Sanctæque omnes Paradisi, has mihi
grátias impetráte, quas per Jesu Chri-
sti pretiósū sanguinem implóro:

1. Dei voluntátem semper adim-
plére.
2. In unióne illius semper perma-
nere.

3. Solum Deum semper atténdere.
4. Solum Deum diligere.
5. Omnia propter Deum ágere.
6. Solam Dei glóriam quærere.
7. Ad sanctitátem solum propter Deum tendere.
8. Nihilitatem meam radicitus agnoscere.
9. Dei voluntatēm semper inquirere.
10. (*Petatur aliqua gratia specialis iuxta proprias necessitates.*)

Maria sanctissima, pretiosum Sanguinem Jesu Christi aeterno Patri offeras, quæso, pro salute animæ meæ, pro animabus in purgatório detentis, pro sanctæ Ecclesiæ necessitatibus, pro peccatorum conversione, ac dñeque pro univérso mundo.

Hic dicuntur 3 *Glória Patri* ad Jesu Christi pretiosum Sanguinem; semel *Ave Maria* ad perdonantem Virginem; et semel *Réquiem aeternam* pro Defunctis.

Aliæ Orationes

*post Missam dicenda ad libitum
Sacerdotis.*

Oratio.

Omnipotens, sempiterne Deus, Conservátor animarum, mundique Redémptor, me fámulum tuum ante

majestatem tuam prostratum benignissime respice, et sacrificium, quod in honorem nōminis tui pro salute fideliūm tam vivorum, quam etiam defunctorum, et pro peccatis et offensionibus meis obtuli, piissime suscipe, iram tuam a me remove, gratiā et misericordiam mihi concéde, januam paradisi mihi pande, ab omnibus malis me potenter eripe, et quidquid proprio commisi reatu clementer indulge. Et sic in hoc saeculo in praecēptis tuis fac me perseverare, ut dignus electorum gregi copulari efficiaris, te præstante, Deus meus, cuius nōmen benedictum, honor atque regnum permaneat in saecula saeculorum. Amen.

Oratio S. Joannis Chrysostomi.

Gratias tibi agimus, clementissime Dominator, Redemptor animarum nostrarum, quoniam et praesenti hodie coelestibus et immortabilibus mysteriis nos dignos fecisti. Tu dirige viam nostram; serva nos in timore tuo; tuere vitam nostram; gressus nostros firma orationibus et intercessiōnibus sanctae et gloriæ Dei Genitricis et semper Virginis Mariæ. Exaltare

super cœlos, Deus, et super omnem terram glòria tua nunc et semper, et in sècula sæculórum. Amen.

Oratio S. Thomæ Aquinatis.

Ineffabilem misericordiam tuam, Domine Iesu Christe, humiliiter exoro, ut hoc Sacramentum Corporis et Sanguinis tui, quod indignus suscepisti, sit mihi purgatio scelerum, sit fortitudo fragilium, sit contra mundi pericula firmamentum, sit impetratio veniae, sit stabilimentum gratiae, sit medicina vitae; sit memoria tuae Passions, sit contra debilitatem fomentum; sit viaticum meae peregrinationis. Euntem me conducat, errantem me reducat, revertantem me suscipiat, titubantem me tebeat, cadentem me erigat, et perseverantem me in gloriam introducat. O altissime Deus, beatissima praesentia Corporis et Sanguinis tui, sic immutet palatum cordis mei, ut, praeter te, nullam unquam sentiat dulcedinem, nullam amet pulchritudinem, nullam desideret consolacionem, nullum querat illicitum amorem, nullam admittat unquam deletionem, nullum curet honorem, nullam timeat crudelitatem. Amen.

Oratio S. Thomæ Aquinatis.

Concede mihi, queso, omnipotens et misericors Deus, quae tibi platica sunt, ardenter concupiscere, prudenter investigare, veraciter agnoscere, et perfecte adimplere. Ad laudem et gloriam Nominis tui, ordinata Statum meum: et quod a me requiris ut faciam, tribue ut sciām, possim, et velim; et da executi, ut oporet, et expedit saluti animae mee.

Via mihi, queso, ad te sit tuta, recta et consummata, non deficiens inter prospera et adversa; ut in illis non extollar, et in istis non deprimar. In prosperis gratias tibi referam. De nullo gaudeam, vel doleam, nisi quod promoveat ad te, vel quod abducatur a te. Nulli placere appetam, vel dispicere timeam, nisi tibi. Omnia in caritate da facere; et quod ad cultum tuum non pertinet, quasi mortuum reputare.

Vilescant mihi omnia transitoria propter te, et cara sint mihi omnia tua, et tu, Deus meus, plusquam omnia. Delichtet me omnis labor, qui est pro te; et tardiosa sit mihi omnis quietes, quae non est in te. Frequenter et ferventer da mihi, dulcissime

Dómine, cor meum ad te dirigere, et defectióne meam, cum emendatióni propó sito, doléndo pensáre.

Fac me, Deus meus, húmilem sine fictiōne, hilarem sine dissolutiōne, tristem sine dejectiōne, matúrum sine gravitāte, ágilem sine levitāte, verácem sine duplicitāte, timéntem sine desperatione, in te sperántem sine præsumptiōne, castum sine corrūptiōne, próximum corripere sine indignatiōne, ipsúmque ædificare verbo et exémplo sine elatiōne, obediéntem sine contradictione, patiéntem sine murmuratiōne.

Da mihi, dulcissime Jesu, cor pér vigil, quod nulla a te abdúcat curiósā cogitatiō: da immóbile, quod nulla déorsum trahat indígnā afféctio: da invictum, quod nulla fátiget tribulatiō: da liberum, quod nulla sibi vín dicet violénta delectatiō: et da rectum, quod nulla seórsum oblíquet sinistra intentiō.

Largíre mihi, dulcissime Deus meus, intelléctum te cognoscéntem, diligéntiam te quæréntem, sapiéntiam te inveniéntem, conversatiōnem tibi plácéntem, perseverátiā te dúciter et fiduciáliter exspectántem, fidúciā te

felíciter amplecténtem. Da tuis pœnis configi per pœniténtiam, tuis beneficiis uti in vita per grátiam, et tandem tuis gaúdiis in pátria frui per glóriam. Qui cum Patre et Spíritu Sancto vivis et regnas in sæcula sæculórum. Amen.

Pro tota Ecclesia.

Sanctifica, o piissime Pater, Ecclésiam tuam, aufer ab ea ómnia scándala et schísmata, ut fiat unum ovile, et unus Pastor: effunde misericordiam tuam in gentes, quæ te non novérunt, et illúmina corda illár um, ut te cognóscent et ament; dissipa consilia impiórum, ne regno tuo officiant et propagatiōni glóriæ tuæ: da summo Pontifici, Praelátis, Ordinibus Ecclesiásticis, ac ómnibus Religiósis tuum amórem, et ut suo officio rite fungántur; Imperatóri, Régibus, Principibus, cunctisque Magistratibus sapiéntiam, qua justitiā fidéliter administrent, pacémque sequántur, ac pôpulo tuo tuam benedictiōnem; tribue agonizántibus veram contritiōnem, tuúmque amórem, peccatóribus véniam, ac veram emendatiōnem, inimicis meis tuam caritátem, ac dul-

cédinem, amicis, benefactóribus, consanguíneis tuam dilectionem: huic Congregatióni bona spirituália et temporália, nosque, et ómnia nostra dirige, ut cultus tuus hic semper vigeat et perseveret; animábus in Purgatório deténtis, illis máxime, quæ suffrágii nostris indigent, vel quibus sum obligátus, réquiem sempitérnam, ac beatam tui fruitiórem.

Oblatio sacrificii peracti.

O Dómine Jesu Christe, in memóriam infiénsæ tuæ caritatis, qua propter me natus, passus, crucifixus et mórtuus es, ófero tibi hujus Missæ et ómnium Missárum, quæ in toto mundo fiunt, Hóstiam sacrosáncti Córporis et Sanguinis tui, óbsecrans per viscera misericórdiæ tuæ, ut suscipientias et Patri tuo ófferas, in ea virtute, qua illi in Cruce móriens, Spíritum tuum tradidisti: ut vivis tuam grátiam, et defunctis réquiem, et ómnibus nobis misericórdiam, vitámque largiáris sempitérnam. Singuláriter tamen oro pro N. N. Noli me propter peccáta mea damnare, Dómine Jesu; sed per hanc perceptionem Redemptiōnis nostræ, ab ira tua et

a peccátis me liberáre dignérис. Et præsta, Salutáris meus, ut cum frequentatióne Mystérii tui, crescat mee salútis efféctus. Obsecro te, ut mihi sit cibus, qui me confórtet, nūtriat et prótegat. Da mihi grátiam, ut hujus Sacraménti percéptio, sit mihi nunc, et in morte plena reconciliatio, plena peccatórum purgatio, et ad vitam ætérnam introductio. Amen.

Oratio ad Beatam Virginem.

O sacratissima, o serenissima et incolyta Virgo María, Mater Dómini nostri Jesu Christi, Regina celi et terræ, quæ eúdem Creatórem ómnium creaturárum in tuo sancto útero digna fuisti portáre, cujus idem veracissimum corpus et sanguinem ego indignus súmere præsumpsi; rogo te per virginálem humilitatēm tuam et per passionem et mortem ejúsdem Filii tui, ut apud ipsum pro me misero peccatóre intercedere dignéris, ut quidquid in ejus sacrificatióne benedictissima ignoránte, negligénte, vel incaute commisi, aut etiam omisi, tuis sanctissimis préci- bus mihi dignétur indulgére. Amen.